

## USKORO POKRETANJE TUŽBI ZBOG STARE DEVIZNE ŠTEDNJE

Novinar: Indira Arnaut, Datum objave: 30.06.2010



Udruženje građana za povrat stare devizne štednje u BiH i dijaspori priprema tužbu koja će uskoro biti podnesena protiv devet članova odbrane predstavnika vlasti u BiH, a koji su kako se navodi, na osnovu lažnih dokumenata i iskaza, dobili sudski spor pred Evropskim sudom u Strazburu 10. marta 2009. godine. Tužba će biti podnesena protiv Monike Mijić, Zikreta Ibrahimovića, Biljanje Kujundžić, Aleksandra Džombića, Dragana Aleksića, Tihomira Čurka, Ehzera Kubata, Mate Lučića i Milana Dupora. „Tužbu ćemo prvo uputiti Tužilaštvu BiH da ono preduzme korake i ispita o čemu se radi, jer mi imamo i naše i njihove podatke. Zatim ćemo tužbu proslijediti Evropskom sudu za ljudska prava, Evropskoj komisiji za proširenje te generalnom sekretaru Savjeta Evrope“, ističe Svetozar Nišić, predsjednik Udruženja građana za povrat stare devizne štednje u BiH i dijaspori. Nišić ističe da su pomenute osobe dale lažne izjave pred Evropskim sudom u Strazburu, u smislu da će BiH bankrotirati ako se građanima vrati devizna štednja. U svojim iskazima članovi odbrane su navodili, ističe Nišić, da su devizne štediške prema Parlamentu BiH neprekidno ulagali amandmane da ne traže gotovinu odjednom, da ne traže kamate po ugovoru i zatezne kamate, nego su tražili isplatu na pet godina sa kamatom od pet posto. „S tim da smo u našim amandmanima, koje su oni sakrili, tražili protuvrijednost, odnosno da se izmire dugovi građanima državnim kapitalom u koji smo mi i ulagali“ dodaje Nišić. Protuvrijednost je podrazumijevala stanove u državnoj svojini, poslovne prostore, građevinsko i poljoprivredno zemljišta te državna preduzeća. Zbog svega što se u posljednjih par godina dešava kada su u pitanju devizne štediške, a kojih prema podacima ovog udruženja ima preko 300.000, bit će otvorena i kancelarija u Strazburu radi lakše komunikacije i većeg pristika na Evropski sud.

**Komentari na stranici su slobodno mišljenje posjetilaca i nisu stav niti mišljenje RTV SLONI!**

1. 01.07.2010